

大明太宗皇帝御制藏經贊

朕惟如來為一大事出現。演三藏十二部之玄言。所以指教垂義者尚矣。自其言流于中土。翻譯其義。以化導群類。非上根圓智之士。鮮能以通之。而得其要者。或寡矣。天治心。道心也者。虛靈明。



該貫萬理而無所多聞。必由於藏海。於一心。以是修證。超乎圖妙。常住不動。無有所蔽。此誠末世之津梁。迷途之明炬也。朕撫臨大統。仰承鴻基。念皇考皇妣生育之恩。垂緒之德。劬勞莫報。乃遣使往西土。取藏經之文。刊梓印。

施。以資為薦揚之典。下界一切生靈。均沾無窮之福。如是功德。有不可名言。若夫世之由迷惑。真交纏故業。茫然而莫之所歸者。不究竟於斯。亦莫能得其體。而返其真也。推是心以濟拔流。



贊以願轉

來慈悲之。于卷首。且

如來演義諦。法音遍克周。世界恒河沙。一一皆具足。化導於群類。咸得成正觀。有漏諸微塵。悉超於覺海。歷阿僧祇劫。廣開方便門。迷妄執空華。一切了明微。

有一弗徹者。誓不成佛陀。

我今念眾生。是故廣演說。

深心奉塵刹。俱願證菩提。

上報二重恩。下濟諸途苦。

昔登無上覺。欲漏盡消除。

成就勝妙心。以拯諸末劫。

廣此密因義。布施於竺乾。

頻伽大梵音。妙不思議。

如十方擊鼓。無礙於音聲。

有耳皆獲聞。聞者即成覺。

堅固無動轉。永不墮輪回。

世尊為證明。作如是贊嘆。

功德不可說。永被於生靈。

永樂八年三月初九日

佛藏

上海世紀出版股份有限公司上海書店
時代出版傳媒股份有限公司黃山書社

第五二冊目錄

法苑珠林續前	(卷第三十七至卷第一百	輦七——祿十)		一	
大唐內典錄	十卷	唐道宣撰	(侈一——富五)		六三七
續大唐內典錄	一卷	唐道宣撰	(富六)		七九五
集神州塔寺三寶感通錄	三卷	唐道宣撰	(富七——十)		八〇二

法苑珠林卷第三十七

輩七

唐西明寺沙門釋道世撰

敬塔篇第三十五

此有六部

述意部

引證部

興造部

感福部

旋遠部

故塔部凡三十卷

述意部第一

敬惟如來應現妙色顯於三千正覺韜光遺形傳於八萬是以塔踊靈山影留石窟剋檀畫觀之儀鑄金鏤玉之狀全身碎身之迹聚塔散塔之奇而光曜重昏福資念識致使英

聲遐矣邪徒結信肇啓育王之始終傳有唐之初自歷代繁興神化非一故經曰正法住正法滅意存茲乎

引證部第二

如觀佛三昧經云佛留影石室在那乾呵羅國毒龍池側佛坐龍石室窟中爲龍作十八變踊身入石猶如明鏡在於石內映現於外遠望則見近望不現諸天百千供養佛佛影亦說法迄今不滅待至彌勒又集經云忉利天城東照明園中有佛髮塔城南麤澀園中有佛衣塔

城西歡喜園中有佛鉢塔城北駕御園中有佛牙塔又智度論云天帝釋取菩薩髮及衣於天上城東門外立佛髮塔衣塔又有王傳云王得信心問道道人曰我從來救害不必以理今修何善得免斯殃答曰唯有起塔供養

衆僧救諸徒囚賑濟貧乏故譬喻云王宮二萬沙門盡心救機不可具述王曰何處可起塔道人即以神力左手掩日光作八萬四千道散照閻浮提所照之處皆可起塔今諸塔處是也時王欲建舍利將四部兵衆至王舍城取阿闍世

王佛塔中舍利還復修治此塔與先無異如是更取七佛塔中舍利至衆摩村中時諸龍王將王入龍宮中王從龍索舍利供養龍即分與之時王作八萬四千金銀瑠璃玻璃盛佛舍利又作八萬四千寶瓶以盛此二作無量百千幡幢傘蓋使諸鬼神各持舍利供養之具勅諸鬼神言於閻浮提至於海際城邑聚落滿一億家者爲世尊立塔時有國名奢叉尸羅有三十六億家彼國人語鬼神言可三十六箇舍利與我等起立佛塔王作

方便國中人士少者令分與彼令滿家數而立爲塔時巴連弗邑有上座名曰耶舍王詣彼所白上座曰我欲一日之中立八萬四千佛塔遍此閻浮提意願如是時彼上座白言善哉大王尅後十五日正食時令此閻浮提

一時起諸佛塔如是依數乃至一日之中立八萬四千塔世間人民興慶無量共號曰阿育王塔又大阿育王經云八國共分舍利阿闍世王分數得八萬四千又別得佛口髭還國道中逢難頭禾龍王從其求舍利分阿闍

世王不與便語言我是龍王力能壞汝國土阿闍世王怖畏即以佛髭與之龍還於須彌山下高八萬四千里於下起水精塔阿闍世王得還國以紫金函盛舍利作千歲燈火於五恒河沙水中塔藏埋之後阿育王得其國土王娶夫人身長八尺髮亦同等衆相具足王令相師觀之師言當爲王生金色之子王即拜爲第二夫人後還有娠足滿十月王有緣事宜出外行王大皇后妬嫉便作方便共欲除之慕覓猪母即應產者語第二夫人言

卿是少甫爾始產不可露面視天以被覆面即生金色之子光照宮中盜持兒去殺之即以猪子著其身邊便罵言汝云當爲王生金色之子何故生猪便取輪頭拍囚內後園中令服菜王還聞之不悅久久之後王出行因見之憶念迎取歸宮第二夫人漸得親近具說情狀王聞驚怪即殺八萬四千夫人阿育王後於城外造立地獄治諸罪人佛知王殺諸夫人應墮地獄即遣消散比丘化王王發信悟問比丘言殺八萬四千夫人罪可得贖

不道人言各爲人起一塔塔下著一舍利當得脫罪耳王即尋覓阿闍世王舍利有國相父年百二十將五百人取本舍利王得大喜即分與鬼神各還所部令一日一時同戴八萬四千利諸鬼神言多隔山障不得相知王

言汝曹但還治般護利安鈴我當使阿脩輪以手摸日四天下亦同時震又阿育王經云塔成造千二百織成旛及雜華未得懸旛王身崩沒塔成已六日王請僧至園供養時有優婆塞多羅漢將一萬八千阿羅漢受王請

尊者崛多顏貌端正身體柔輭而王體醜陋肌膚麤澀尊者即說偈言

我行布施時 淨心好財物 不如王行施以沙施於佛

王告大臣我以沙施佛報復如是云何而不修敬於世尊王後尋佛弟子迦葉阿難等所有佛在世時弟子塔廟躬到塔所具展哀情責心修敬各興種種供養更立大塔各捨十萬兩珍寶供養是塔次至薄拘羅塔應當供養王問彼有何功德崛多尊者答曰彼無病

第一乃至不爲人說一句法寂默無言王曰以一錢供養諸臣白王言功德既等何故於此供養一錢王告之曰聽吾所說偈

雖除無明癡 智慧能鑒察 雖有薄拘羅於世何所益

時彼一錢還來至王所時大臣輩見是希有事異口同音讚彼嗚呼尊者少欲知足乃至不須一錢王及供養菩提樹不絕夫人名曰低舍羅締多作念王極愛念於我念王今捨我珍寶至菩提樹間我方便殺樹令死王不

得往可得與我相娛夫人即遣人以熱乳澆之樹枯葉落王聞是語迷悶躡地夫人見王憂愁不樂當悅王心白王曰若無彼樹我命亦無如來於彼樹得道彼樹旣無何用活耶復以冷乳澆之彼樹更生王聞歡喜詣於樹下目不暫捨以千甕香湯澆灑菩提樹倍復

嚴好增長茂盛後三潔淨身心手執香鑪在於殿上向西方作禮心念口言如來賢聖弟子在諸方者憐愍我故受我供養如是語時有三十萬比丘悉來集彼大衆中十萬是阿

羅漢二十萬是學人及凡夫宮人太子羣臣共王所作功德無量不可述盡

又雜阿含經云阿育王問比丘言誰於佛法中能行大施諸比丘言給孤獨長者最行大施王問彼施幾許比丘答曰以捨億千金王

聞已彼長者尚能捨億千金我今爲王何緣復以億千金施當以億百千金施乃至用私藏盡將此閻浮提夫人姝女太子大臣總施與聖僧後用四十億金還復贖取如是計校總用九十六億千金乃至王得重病自知命

盡常願以億百千金作功德今願不滿便就後世唯滅四億未滿王即辦諸珍寶送與雞頭摩寺乃至以半阿摩勒果送與僧禮拜僧足問訊大聖衆等我領此閻浮提是我所有今者頓盡不得自在唯此半果哀愍納受令

我得福上座耶舍令研磨著石榴囊中行之一切皆得問遍王復問傍臣曰誰是閻浮提王諸臣啓王言大王是也時王從卧起而坐顧望四方合掌作禮念諸佛功德心念口言我今復以此閻浮提施與三寶時王書紙上

而封緘之以齒印印之作如是事畢即便無常爾時太子及諸人民與種種供養葬送如王之法而闡維之

又法益經云爾時諸大臣言今是大地屬於三寶云何而立太子爲王諸臣語已共議出

四億金送與寺中將贖其地

又善見論云阿育王以金錢九十六億起八萬四千寶塔復大種種布施

興造部第三

述曰上來所引經論興置所由其已知乎案

未識塔義是何復有幾種所爲之人復通凡不答曰梵漢不同翻譯前後致有多名文有訛正所云塔者或云塔婆此云方墳或云支提翻爲滅惡生善處或云斗數波此云護讚若人讚歎擁護歎者西梵正音名爲窣堵波

此云廟廟者貌也即是靈廟也安塔有其三意一表人勝二令他信三爲報恩若是凡夫比丘有德望者亦得起塔餘者不合若立支提有其四種一生處二得道處三轉法輪處四涅槃處諸佛生處及得道處此二定有彼

提生必在阿輸柯樹下此云無憂樹此是夫人生太子之處即號此樹爲生處支提如來得道在於菩提樹下即呼此樹下爲得道支提如來轉法輪及涅槃處此二無定初轉法輪爲五比丘在於鹿苑縱廣各二十五尋一

尋八尺古人身大故一尋八尺合二十丈今天竺人處處多立轉法輪取一好處而依此量堅三柱安三輪表佛昔日三轉法輪相即名此處爲轉法輪支提如來入涅槃處安置舍利即名此處爲涅槃支提現今立寺名涅槃寺此則爲定若據舍利處處起塔則爲不定此四亦名窣堵波

又毗婆沙論云若人起大塔如來生處轉法輪處若人取小石爲塔其福等前大塔所爲尊故若爲如來大梵起大塔或起小塔以所

爲同故其福無量又阿含經云有四種人應起塔一如來二辟支佛三聲聞四輪王

又十二因緣經云有八人得起塔一如來二菩薩三緣覺四羅漢五阿那含六斯陀舍七須陀洹八輪王若輪王已下起塔安一露槃

見之不得禮以非聖塔故初果二露槃乃至如來安八露槃八槃已上並是佛塔

又僧祇律云初起僧伽藍時先規度好地將作塔處不得在南不得在西應在東應在北不侵佛地僧地應在西在南作僧房佛塔高

顯處作不得塔院內浣染曬衣唾地得爲佛塔四面作龕作師子鳥獸種種綵畫內懸幡蓋得爲佛塔四面造種園林華果是中出華應供養塔若樹檀越自種種檀越言是中華供養佛果與僧食佛言應從檀越語若華多者

得與華鬘家語言爾許華作鬘與我餘者與我爾許直若得直得用然燈買香以供養佛兼得治塔若直多者得置佛無盡物中若人言佛無貪怒癡但自莊嚴用是華果而受樂者得罪報重佛言亦得作支提有舍利者名塔無舍利者名支提如佛生處得道處轉法輪處佛泥洹處菩薩像辟支佛像佛跡處此諸支提得安佛華蓋供養若供養中上者供養佛塔下者供養支提若卒風雨來應以供養具隨近安之不得言我是上座我是阿

練若乞食大德等得越毗尼罪若塔僧物賊來急時不得藏舉佛物應莊嚴佛像僧座具應敷安置種種飲食令賊見相若起慈心賊問比丘莫畏出來年少應看若賊卒至不得藏物者應言一切行無常作是語已捨去是

名難法

感福部第四

如小未曾有經云佛告阿難若有一人盡四天下滿中草木皆悉為人得四道果及辟支佛盡壽四事供養所須具足至滅度後一一

起塔香華幢幡寶蓋供養後造帝釋大莊嚴殿用八萬四千寶柱八萬四千寶窓八萬四千天井寶窓八萬四千樓櫺閣間四出圓遠眾寶校飾若有善男子善女人作如上百千億大莊嚴殿用施四方僧其福雖多然不如有人於佛般涅槃後以如芥子舍利起塔大如庵摩勒果其利如針上施槃蓋如酸棗葉若佛形像如薤麥大勝前功德滿足百倍不及一千倍萬倍百千萬倍所不能及不可稱量阿難當知如來無量功德分定分智慧

分解脫分知見解脫分無量功德有大神通變化及六波羅蜜如是等無量功德

又無上依經云阿難向佛合掌而作是言我於今日入王舍乞食見一大重閣莊嚴新成內外宛密若有清信人布施四方僧并具四事若如來滅後取佛舍利如芥子大安立塔中起塔如阿摩羅子大戴刺如針大露槃如棗葉大造佛如麥子大此二功德何者為勝佛告阿難如滿四天下四果聖人及辟支佛如甘蔗林竹荻麻田等若有一人盡壽供養

四事具足及入涅槃後悉起大塔供養然燈燒香衣服幢幡等阿難於意云何是人功德多不阿難言甚多世尊阿難且置又如帝釋天宮住處有大飛閣名常勝殿種種寶裝各八萬四千若有清信男子女人造作如是常勝寶殿百千拘胝施與四方眾僧若復有人如來般涅槃後取舍利如芥子大造塔如阿摩羅子大戴刺如針大露槃如棗葉大造佛形像如麥子大此功德勝前所說百分不及一千萬億分乃至阿僧祇數分所不及一及

譬喻所不及何以故如來無量功德故縱碎娑婆世界末為微塵以此次第悉是四沙門果及辟支佛若有清信男女盡形供養及以滅後起塔供養亦不如取舍利如芥子大乃至造像如麥子大此功德前所說百分千萬億分不及一分乃至算數譬喻所不能及如是阿難一切如來昔在因地知眾生界自性清淨客塵煩惱之所汙濁然不入眾生清淨界中能為一切眾生說深妙法除煩惱障不應生下劣心以大量故於諸眾生生尊重心

起大師敬起般若起闍那起大悲依此五法
菩薩得入阿鞞跋致此不退依如證大方便
得阿耨菩提

又涅槃經云若於佛法僧供養一香燈乃至
獻一華則生不動國善守佛僧物塗掃佛僧
地造像塔如母指常生歡喜心亦生不動國
此即淨土常嚴不為三災所動也又僧祇律
云佛於拘薩羅國遊行時婆羅門耕地見世
尊過持牛杖柱地禮佛世尊見已便發微笑
諸比丘白佛何因緣故笑唯願欲聞佛告諸

比丘是婆羅門今禮二佛諸比丘白言何等
二佛佛告比丘禮我杖下有迦葉佛塔諸比
丘白佛願見迦葉佛塔佛告諸比丘汝從此
婆羅門索土塊并是地即便索之時婆羅門
便與之得已爾時世尊即現出迦葉佛七寶
塔高一由延其面廣半由延婆羅門見已便
白佛言我姓迦葉是我迦葉土埠爾時世尊
即於彼處作迦葉佛塔諸比丘白佛我得授
泥不佛言得授即說偈言
真金百千擔 持用行布施 不如一團泥

敬心治佛塔
爾時世尊敬過去佛故便自作禮諸比丘亦
禮佛說偈言

人等百千金 持用行布施 不如一善心
恭敬禮佛塔

爾時比丘即持香華來奉世尊敬過去佛故
即持供養塔佛即說偈言

百千車真金 持用行布施 不如一善心
香華供養塔

爾時大衆雲集佛告舍利弗汝為諸人說法

佛說偈言

百千閻浮提 滿中真金施 不如一法施

隨順令修行

爾時座中有得道者佛說偈言

百千世界中 滿中真金施 不如一法施

隨順見真諦

又法句喻經云昔佛在世時遣一羅漢名曰
須曼持佛髮爪至罽賓國南山之中造佛塔
寺中常有五百羅漢旦夕燒香遠塔禮拜時
山中有五百獼猴見僧遠塔禮拜供養即共

負石學僧作塔遠之禮拜于時天雨山水瀑
漲五百獼猴一時沒死生切利天七寶宮殿
巍巍無量衣食自然快樂無極既得生天各
自念言我等何緣得來生此即以天眼觀見
前身作其獼猴由學衆僧戲笑作塔山水所
漂命終生此即共相將齋持香華從天下來
供養死屍迴詣佛所禮拜問訊佛為說法五
百天子一時皆得須陀洹果既得果已還歸
天上獼猴學僧戲笑作塔尚獲福報巍巍乃
爾豈況於人信心造塔寧無果報

又譬喻經云昔佛涅槃後阿育王國有迦羅
越其人福德世間希有意有所須應念即至
其家舍宅七寶所成閤內婦女端正少雙晝
夜娛樂快樂無極其人信心恒常供養二萬
餘僧阿育王聞便召見之而語之言聞卿大
富家有何物即答王言家無所有王不信之
便遣人看使至唯見門閤七重舍宅堂宇七
寶莊嚴巍巍無量使人室中不見食物唯見
婦女端正少雙使見即還具以白王王意漸
解時迦羅越知王解已便於王前以手東指

即時空中七寶雨下不可限量指餘三方亦復如是王見乃知是大福德王即詣寺請問此事寺有上座得阿羅漢三明六通王問上座此迦羅越宿植何福所須自然應念即至上座答王乃往過去九十一劫毗婆尸佛入涅槃後迦羅越爾時與其四人同共造塔用心徧殷造塔成已復以七寶及取好花上塔頭上四面散下而以供養發誓願言使我世世食福自然恒不斷絕緣是功德從是以來九十一劫不墮惡道天上人中食福自然快樂無極爾時但願食福無盡不願度脫故至今日唯受勝福未得道迹又大悲經云佛告阿難若人樂著三有果報於佛福田若行布施餘諸善根願我世世莫入涅槃以此善根不入涅槃無有是處是人雖不樂求涅槃然於佛所種種善根我說是人必入涅槃也又百緣經云昔佛在世時舍衛城中有一長者其家巨富財寶無量不可稱計生一男兒端正殊妙世所希有其兒兩手各把金錢取已還生無有窮盡父母歡喜因為立字名曰寶手

年漸長大慈悲孝順好喜布施有人來乞申其兩手出好金錢尋以施之後與諸人出城遊觀前到祇洹見佛相好心懷歡喜頂禮請佛及比丘僧願受我供阿難語言設供須財於是寶手即申兩手金錢雨落須臾滿地積聚過人佛勅阿難令為營供飯食訖佛為說法得須陀洹歸辭父母求乞出家既出家已得阿羅漢果阿難見已而白佛言寶手比丘宿植何福生於豪族手出金錢取無窮盡又值世尊出家得道佛告阿難昔迦葉佛入涅槃後有迦翅王收其舍利造四寶塔時有長者見豎塔振心生隨喜持一金錢安著塔下發願而去緣是功德不墮惡道天上人中常有金錢受福快樂乃至今者遺值於我出家得道

去九十一劫有佛出世號毗婆尸遷神入涅槃後有國王名槃頭末帝收取舍利造四寶塔高一由旬而供養之時有商主入海採寶安隱得來即以摩尼寶珠蓋其塔頭發願而去緣是功德九十一劫不墮惡趣天上人中常有寶蓋隨共而生乃至今者得值於我出家獲道聞佛所說歡喜奉行又百緣經云佛在世時迦羅衛城中有一長者財寶無量不可稱計其婦生一男兒端正殊妙世所希有頭上自然有摩尼珠時父母因為立字名曰寶珠年漸長大見佛出家成阿羅漢果入城乞食時寶珠故在頭上城中人民怪其所以競來看之深自慚恥還歸所止自言世尊我此頭上有此寶珠不能使去今者乞食為人嗤笑願佛世尊見却此珠佛告比丘汝但語珠我今生分已盡更不須汝如三說珠自當去比丘受教寶珠不現時諸比丘請佛為說宿業因緣佛告比丘乃往過去九十一劫有佛出世號毗婆尸入涅槃後時彼國王名槃頭末帝收其舍利造四

寶塔高一由旬而供養之時彼國王入塔禮拜持一摩尼寶珠繫著額頭發願而去緣是功德九十一劫不墮三塗天上人中常有寶珠在其頂上受天快樂至今值佛出家得阿羅漢果比丘聞已歡喜奉行

旋遶部第五

如菩薩本行經云昔佛在世時佛與阿難入舍衛城而行乞食時彼城中有一婆羅門從外而來見佛出城光相巍巍時婆羅門歡喜踊躍遶佛一匝作禮而去佛便微笑告阿難

言此婆羅門見佛歡喜以清淨心遶佛一匝以此功德從是以後二十五劫不墮惡道天上人中快樂無極竟二十五劫得辟支佛名持觀那祇梨以是因緣若人旋佛及旋佛塔所生之處得福無量也

又提謂經云長者提謂白佛言散華燒香然燈禮拜是為供養旋塔得何等福佛言旋塔有五福德一後世得端正好色二得聲音好三得生天上四得生王侯家五得泥洹道何因緣得端正好色由見佛像歡喜故何緣得

聲音好由旋塔說經故何緣得生天上由當旋塔時意不犯戒故何緣得生王侯家由頭面禮佛足故何緣得泥洹道由有餘福故佛言旋塔有三法一足舉時當念足舉二足下時當念足下三不得左右顧視唾寺中地右

第七

十六

遶者經律之中制今右旋若左遶行為神所訶乃至左遶麥積為俗所責其徒眾矣今時行事者順於天時面西北轉右肩袒膊向佛而恭也或旋百匝十匝七匝三匝各有所表且論常行三匝者表供養三尊止三毒淨三

業滅三惡道得值三寶故華嚴經偈云

始欲旋塔當願眾生施行福祐究暢道意

遶塔三匝當願眾生得一向意不續四毒

又賢者五戒經云旋塔三匝者表敬三尊一

佛二法三僧亦念滅三毒一貪二瞋三癡又

三千威儀云遶塔有五事一低頭視地二不

得蹈蟲三不得左右顧視四不得唾塔前地

上五不得中住與人語

法苑珠林卷第三十七

音釋

眼之月切 髭即移切 口既居代切 振陳庚切 也古徑

法苑珠林卷第三十八

輩八

唐西明寺沙門釋道世撰

故塔部第六

依像法決疑經云造新不如修故作福不如避禍斯言驗矣或有村坊塔寺損故伽藍堂殿朽壞舍屋崩摧扉扇蓬戶靡隔煙塵窺牖茅茨無掩霜露是以門墻彫毀糞穢盈階路絕人蹤僧徒漂寄不修不飾日就衰羸造罪造德無時暫捨夜暗燈燭本自無聞晝日蟠華元來非見堂絕梵唄鑪停海岸遂使惡鬼効靈善神捨衛伽藍無固直為僧徒慢惰佛法既衰亦由白衣無敬此而不憂更欲何求又寶梁經云有一賢者面上有國王文相師見已嫁女與之後時賢者入僧寺中杖倚伽藍生憐慢故失國王文墮大地獄又薩遮經云或嫌塔寺及諸形像妨礙送置餘處者如是惡人攝在惡逆衆生分中上品治之又十輪經云若破寺殺害比丘其人壽終支節皆疼多日不語死墮阿鼻地獄具受諸苦又三千威儀云掃塔上有五事一不得著履上二

不得背佛掃塔三不得取上善土持下棄四不當下佛像上故華五當旦過澡手自持淨巾還拭佛像復有五事一當先灑地二當使調三當待燥四不逆掃五不得逆風掃復有五事一不得去善土三當自手拾草三當取中土轉著下處四不得令四角掃處有迹五掃塔前六步使淨此處事務故限約六步若事閒豫多掃彌善也又正法念經云若有衆生淨心供養衆僧掃如來塔命終生意躁天身無骨肉亦無汙垢香氣能熏一百由旬其身淨潔猶如明鏡又正法念經云若有衆生識於福田見有佛塔風雨所壞若僧房舍以福德心塗飾治補復教他人令治故塔命終生白身天其身鮮白入珊瑚林諸天女五欲自娛業盡還退若生人中其身鮮白又雜寶藏經云若掃僧房一閭浮提不如掃佛塔一手掌成論二又撰集百緣經云掃地得五功德一自除心垢二除他垢三去憍慢四調伏心五增長功德得生善處又無垢清淨女問經云掃地得五功德一自心清淨他人見生淨心二為他愛三天心

歡喜四集端正業五命終生善道天中又沙彌威儀經云掃地有五法一不得背人二不得逆掃三當令淨四不得有迹五當即分却又增一經云掃佛塔有五法一水灑地二除去瓦石三平正其地四端意掃地五除去穢惡地既淨已隨能持一枝香華散布地上供養得福無量故華嚴偈云散華莊嚴淨光明莊嚴妙華以為帳散衆雜華遍十方供養一切諸如來又百緣經云昔佛在世時與諸比丘到恒河邊見一故塔毀落崩壞比丘問佛此是何塔朽故乃爾佛告比丘此賢劫中波羅柰國梵摩達王正法治化唯無子息禱祀諸神求索有子困不能得時王國中有一池水生一蓮華其華臺中有一童子結跏趺坐有三十二相八十種好口出優鉢羅華香身諸毛孔出旃檀香王及妃后見甚歡喜即抱還宮養育漸大隨其行處蓮華承足因香立字名旃檀香後悟非常成辟支佛身身虛空作十八變尋入涅槃王收舍利起塔供養是彼塔耳比

丘問佛宿植何福受斯果報佛告比丘乃往過去拘樓孫佛時有長者子甚好姪色見一姪女心生耽著無財可與遂至塔中盜華與之乃共夜宿曉即身體生其惡瘡痛不可言喚醫療治醫占云須牛頭栴檀用塗瘡上可得除愈時長者子即賣家宅得於金錢滿六十萬尋用買香正得六兩擬用塗瘡心自思惟即語醫言我今所患乃是心病即持所買牛頭栴檀擣以爲末入其塔中發誓願言如來往昔修諸苦行誓度衆生隨其厄難我今此身隨一生數唯願世尊慈悲憐愍除我此患作是誓已用香塗塔以償華價至心供養求哀懺悔瘡尋得差身諸毛孔有栴檀香聞此香已歡喜禮拜發願而去緣是功德不墮惡道天上人中常受快樂隨其行處蓮華承足身諸毛孔恒有香氣是故智者當作是學又小法滅盡經云後劫火起時曾作伽藍所不爲火焚乃至金剛界爲土臺也又菩薩本行經云昔佛在世時告五百阿羅漢汝等各說前世宿行所作功德今得值我得道因緣

時有阿羅漢名婆竭多梨即從座起白佛言世尊我念過去無央數劫有佛出世號曰定光入涅槃後分布舍利起塔供養法欲末時有一貧人無方自濟賣薪爲業向澤採薪遙見澤中有一塔寺甚爲巍巍即到塔邊瞻覩形象歡喜作禮唯見狐狼飛鳥走獸止宿之處草木荆棘不淨滿中迴絕無人復無行跡無供養者貧人覩見心用愴然而不曉知如來神德但以歡喜誅伐草木掃除不淨掃訖歡喜遠之八市作禮而去緣此功德命終之後生光音天衆寶宮殿光明晃煜於諸天中巍巍最勝不可計量盡其天壽而復百返作轉輪王七寶自然王四天下後復壽盡當住國王大姓長者家財富無量顏容端正殊妙無雙人見歡喜無不愛敬欲行之時道路自淨虛空之中雨散衆華婆竭多言昔貧人者今我身是由昔掃塔生處自然一阿僧祇九十劫中不墮惡道天上人間富貴尊榮封受自然快樂無極今最後身值釋迦佛捨家出家得阿羅漢三明六通具八解脫若有人能

於佛法僧少作微善如毛髮許所生之處受報弘大無有窮盡又譬喻經說祇陀太子昔毗婆尸佛時布施一奴一婢給掃寺廟緣此功德世世常得七寶宮宅門戶兩邊常有自然金銀男女擎持寶鉢滿中七寶取無窮盡夜中常有自然天兵五百餘騎衛護其舍無敢近者輪王七寶者一金輪寶二白象寶三紺馬寶四神珠寶五玉女寶六主藏臣寶七主兵神寶又雜寶藏經云昔舍衛國中有一長者造立塔寺後時命終生忉利天其婦晝夜追憶夫故愁憂苦惱以憶夫故常掃治夫所造塔寺夫下觀見即來婦所問訊安慰而語之言汝憶我故大憂愁耶婦即語言汝爲是誰夫尋答言我是汝夫以作塔寺功德因緣得生天上見汝憶我修治塔寺故來汝所婦言近我夫即答言人身臭穢不復可近汝復欲得爲我妻者勤供佛僧修掃塔寺願生我天若得生天我必當還以汝爲妻婦用夫語作諸功德發願生天其後命終得生天上還爲夫婦夫婦相將來至佛所佛爲說法夫

婦並得須陀洹果既得果已還歸天上又分別功德論云昔舍衛城中有夫婦二人而無子息夫婦精進信敬三寶時婦早亡由信敬故生忉利天以爲天女面首端正天中少比天女自念我極端正今此世間誰任我夫便以天眼觀見本夫今已出家年老暗短專信而已常勤掃除塔廟爲業見其掃塔必應生天天女尋下光明照耀住其夫前比丘見已問其因緣天女答曰我是君婦今爲天女我觀天上無任我夫見君精進常勤掃塔必應生天若得生天願同一處還爲我夫是以故來陳其情狀白意已訖還歸天上時夫比丘見此事已從是以後倍加精進修補塔廟積功轉勝應生第四兜率天上天女憶夫復來語言君福轉勝應生兜率天我今不復得君爲夫語訖還去比丘聞已倍更精進遂獲得阿羅漢果三明六通具八解脫又百緣經云佛在世時迦毗羅城中有一長者財寶無量其婦生一兒端正殊妙見者敬仰漸大見佛得阿羅漢果爾時世尊告諸比丘乃往過去

九十一劫有毘婆尸佛入涅槃後有王名槃頭末帝收取舍利造四寶塔而供養之其後小毀有童子入塔見此破處和顏悅色集喚衆人共塗治塔發願而去緣是功德九十一劫不墮地獄畜生餓鬼天上人中受樂無極常爲天人所見敬仰乃至今值於我爲諸人所見敬仰出家得道開佛所說歡喜奉行頌
遺身八萬塔 寶飾高百丈 儀鳳異靈鳥 金盤代仙掌 積拱承彫角 高簷掛樹網
寶地若池沙 風鈴如積響 刻削生千變 丹青圖萬像 烟霞時出沒 神仙乍來往 晨霧半層生 飛檐接雲上 遊蛺不敢息 翔鷗詎能仰 聖變無窮端 感福豈三兩 願假舟航末 彼岸誰云廣
感應緣卷十一 西晉會稽鄞縣塔 東晉金陵長干塔 石趙育州東城塔 姚秦河東蒲坂塔 周岐州岐山南塔 瓜州城東古塔 沙州城內大乘寺塔 洛州故都西塔

涼州姑臧故塔 甘肅刪丹縣故塔 晉州霍山南塔 齊代州城東古塔 隋益州福感寺塔 益州晉源縣塔 鄭州超化寺塔 懷州妙樂寺塔 并州淨明寺塔 并州榆社縣塔 魏州臨黃縣塔 統明神州山川并海東塔 雜明西域所造之塔 右以前數內十九塔並是如來在日行化乞食因遇童子戲弄沙土以爲米麵宿祐冥會以土麵施佛佛感其善心爲受塗壁記此童子吾滅度後一百年滿作王出世號爲阿育作鐵輪王王閻浮提一切鬼神並皆臣屬且使空中地下四十里內所有鬼神開往前八塔所獲舍利役諸鬼神於一日一夜一億家施一塔廣計八萬四千塔具如上經故不備載今惟此神州即是東境故此漢地案諸典籍尋訪有十九塔並是育王所造八萬四千之數也若更具引佛法東

流已來道俗所造感通者則有百千且述育王十九塔內逐要感徵并同見聞者略述者二十一條餘之不盡者備如廣傳也

初西晉會稽鄞縣塔寺今在越州東三百七十里鄞縣界東去海四十里在縣東南七十里而去吳村二十五里案前傳云晉太康二年有并州離石人劉薩訶者在田家獵爲業得病死甦云見一梵僧語訶曰汝罪重應入地獄吾憫汝無識且放令洛下齊城丹

陽會稽並有古塔及浮江石像悉阿育王所造可勤求禮懺得免此苦既醒之後改革前習出家學道更名慧達如言南行至會稽海畔山澤處處求覓莫識基緒達悲塞煩冤投造無地忽於中夜聞土下鐘聲即遷記其處刺木爲刹三日間忽有寶塔及舍利從地涌出靈塔相狀青色似石而非石高一尺四寸方七寸五層露盤似西域于闐所造面開窻子四周天金中懸銅磬每有鐘聲疑此磬也遶塔身上並是諸佛菩薩金剛聖僧雜類等

像狀極微細瞬目注睛乃有百千像現面目手足咸具備焉斯可謂神功聖迹非人智所及也今在大木塔內於八王日舉巡邑里見者莫不下拜念佛生善齋戒終身其舍利者在木塔底其塔左側多有古迹塔側諸縣縣

越舊都之地也以句章鄞鄞剡等四縣爲之諸暨東北一百七里大部鄉有古城周迴三里地記云越之中葉在此爲都驪宮別館遭基尚在悉生豫樟多在門階之側行位相當森疎可愛風雨晦朔猶聞鐘磬之聲百姓

至今多懷肅敬其迹繁矣與志云阿育釋迦弟子能役鬼神一日夜於天下造佛骨寶塔八萬四千皆從地出

案晉沙門竺慧達云東方兩塔一在於此一在彭城今秣陵長干又是其一則有三矣今以經驗億家造一塔計此東夏理多不疑且見揚越即有二塔廣統九域故有隱之會稽記云東晉丞相王導云初過江時有道人神來不凡言從海來相造昔與育王共遊鄞縣下真舍利起塔鎮之育王與諸真人捧塔飛

行虛空入海諸弟子攀別一時俱墮化爲烏石石猶人形其塔在鐵圍山也太守褚府君云海行者述島上有聚烏石作道人形頗有衣服諸人鑿取將視之石文悉如袈裟之狀梁祖普通三年重其古迹建木浮圖堂殿房

廊周環備滿號阿育王寺四面山繞林竹蔥翠華卉間發飛走相娛實閑放者之佳地也有碑頌之著作郎顧胤祖文寺東南三里山上有佛石足跡寺東北三里山頭有佛左足跡二所現于石上莫測其先寺址二里有聖

井其實深地中有鰻鱖魚俗號爲魚菩薩也人至井所禮拜魚隨聲出至隋末賊過偽禮魚現賊便以刀所之因斷魚尾自爾潛隱雖喚不出時有至心邀請禮拜者但漬水而已初有一僧聞塔來禮處所荒涼將食爲難有老姥患脚來爲造食便去日日如是怪之去後私尋乃入池內按量即是池魚所化也其塔靈異往往不一大略爲瑞多現聖僧遶塔行道每夕然燈於光影中現形在壁旋轉而行且列數條多則詞費至唐貞觀十九年敏

法師者寓穴道勝歷覽聖迹依然動神領徒數百來寺一月敷講經論士俗咸會夜中有人見梵僧有餘繞塔行道以事告衆寺僧曰此事常有不足可怪自古至今四大良日遠近來寺建齋樹福然於夜中每見梵僧行道誦經贊唄等相唐末徽元年會稽處士張太玄於寺禮誦沙門智悅獨與太玄連牀而寢半夜聞誦金剛般若了了分明二人靜聽形心欣泰乃至誦訖殺契其相若具尋視無形明知神授也西京城內東西曲池日嚴寺寺

即隋煬帝造昔在魯蕃作鎮淮海京寺有塔未安舍利乃發長干寺塔下取之入京埋于日嚴寺塔下施銘於上于時江南大德五十餘人或言京師塔下舍利非是育王造塔舍利育王舍利乃在長干本寺道俗懷疑不測是非至武德七年日嚴寺廢僧徒散配其舍利塔無人守護時有道宣律師門徒十人配住西市南長壽坊崇義寺乃發掘塔下得舍利三枚白色光明大如黍米并爪一枚少有黃色并白髮數十餘有雜寶瑠璃古器等總

以大銅函盛之檢無螺髮又疑爪黃而小如人者尋佛倍人不赤銅色今則不爾乃將至崇義寺佛堂西南塔下依舊以大石函盛之本銘覆上埋于地府南僧咸曰此爪髮至梁武帝時已有疑焉據事以量則長干佛骨頗移於帝里矣然江南古塔猶有神異崇義所流蓋幾如也故兩述之但年歲綿遠後人莫測其源故別流記爾河東二陰周西京西扶風故縣在岐山南古塔在平原上南下址高鄉曰鳳泉周魏以前寺名阿育

王僧徒五百及周滅佛法廟宇破壞唯有兩堂至大業末年四方賊起百姓共築此城以防外寇唐初雜住失火焚之一切都盡二堂餘燼焦黑尚存至貞觀五年岐州刺史張虎素有信向來寺禮拜但見故塔基曾無上覆奏勅請望雲宮殿以蓋塔基下詔許之古老傳云此塔一閉經四十年一出示人令道俗生善恐開聚衆不敢私開奏勅許開深一丈餘復二古碑並周魏之所樹也既出舍利遍視道俗有一盲人積年目冥努眼直視忽然

明淨京邑內外奔赴塔所日有數萬舍利高出見者不同或見如玉白光映徹內外或見綠色或見佛形像或見菩薩聖僧或見赤光或見五色雜光或有全不見者問其本末為一生已來多造重罪有善友人教使徹到懺悔或有燒頭煉指刺血灑地殷重至誠遂得見之種種不同不可備錄至顯慶四年九月內有山僧智琮慧辯以解呪術見追入內語及育王塔事年歲久遠須假弘護帝曰豈非童子施土之育王耶若近有之則八萬四千

之一塔矣琮曰未詳虛實請更出之帝曰能得舍利深是善因可前至塔所七日行道析請有瑞乃可開發即給錢五千貫絹五千匹以充供養琮與給使王長信等十月五日從京旦發六日過夜方到琮即入塔內專精苦到行道久之未驗至十日三更乃臂工安炭火燒香懺願專注曾無異想忽聞塔內像下振裂之聲尋聲往觀乃見瑞光流溢霏霏上涌塔內三像足下各放光明赤白綠色旋遠而上至於衡角合成帳蓋琮大喜踊躍欲召

僧看乃觀塔內側塞僧徒合掌而立謂是同寺須臾既久光蓋漸歇冉冉而下地三尺不見羣僧方知聖隱勅使王長信等同觀瑞相流輝遍滿赫奕瀾漫若有旋轉久方沒盡及且看之獲舍利一枚殊大於粒光明鮮潔更細尋視又獲七粒總置盤木一枚獨轉遠餘七粒各放光明炫耀人目琮等以所感瑞具狀上聞勅使常侍王君德等送絹三千匹令造朕等身阿育王像餘者修補故塔仍以像在塔內可即開發出佛舍利以流福慧又

勅僧智琮慧滿臘給名住會昌寺初開舍利二十餘人同共下鑿及獲舍利諸人並見唯一人不見其人懊惱自拔頭髮苦心邀請乃置舍利於掌雖覺其重不見如初由是諸人恐不見骨不敢觀光寺東雲龍坊人勅使未至前數日望寺塔上有赤色光照遠近或見如虹直上至天或見光照寺城丹赤如晝且具以聞寺僧歎訝曰舍利不久應開此瑞如貞觀不異其舍利形狀如上指初骨長可二寸內孔正方外楞亦爾下平上漸內外光

淨以指內孔恰得受指使得勝載以示大眾至於光相變現不可常準于時京邑內外道俗連接二百里間往來相續皆稱佛德一代光華京師慈恩寺僧惠滿在塔行道忽見絳井覆海下一雙眼精光明殊大道名道俗同視亦皆懾然喪膽更不重視至顯慶五年春三月下勅請舍利往東都入內供養時西域又獻佛東頂骨至京師人或見者高五寸闊四寸許黃紫色又追京師僧七人往東都入內行道勅以舍利及頂骨出示行道僧曰此

佛真身僧等可頂戴供養經一宿還收入內皇后捨所寢衣帳准價千匹絹為舍利造金棺銀柳雕鏤窮奇以龍朔二年送還本塔至二月十五日京師諸僧與塔寺僧及官人等無數千人共下舍利于石室掩之俟三十年後非余所知至後開瑞翼補茲處岐州岐山縣華陽鄉王莊村有人姓馮名玄嗣先來羈獮殊不信敬母兄承舍利從東都來將欲藏掩嗣不許往母兄不用其語至舍利所禮拜還家玄嗣怒曰此有何驗而往禮之若舍利

有功德者我家中佛像亦有功德即取佛像燒之竟有何驗母兄救之已燒下半玄嗣忽倒不覺暴死經三日始活說云忽到一處似是地獄有大鳥飛來啄精嗽舌入大火坑燒烙困苦覺身癢悶以手摩面眉髮墮落目看大地全無精光親屬傍看皆知罪驗諸人語曰汝自造罪無可代者玄嗣神識不與人同但曰火燒我心以取道士之語教吾不信謗佛之罪今殃著身東西馳走又被打杖怕懼號哭但惟叩頭彈指懺悔乞命乞命而晝夜

號走不曾暫住至二月十三日親屬哀懇請僧懺悔乞願造像又將至塔所于時京邑大德極多時行虔法師為衆說法裴尚宮比丘尼等數百俗人士女向有萬人咸見玄嗣五體投地對舍利前號哭自撲至誠懺悔不信之罪又懺犯尼淨行打罵衆僧盜食僧果自懺已後眠夢稍安大患仍自不差未經一年方死其佛頂骨用珍寶贖之計直四千匹絹遂依其數以蕃練酬之頂骨今見在內供養即是螺髻髮小頂骨然大頂骨猶未至此

此下開本州沙州洛州涼州甘肅州代州七驛

隋益州郭下福感寺塔者在州郭下城西本名大石相傳云是鬼神奉育王教西山取大石為塔基舍利在其中故名大石也隋蜀王秀作鎮井終聞之令人掘鑿全是一石尋縫至泉不見其際風雨暴至有人於石傍鑿取一片將出乃是鑿王問於識寶商云此是真鑿玉世中希有隋初有訖律師見此古迹於上起九級木浮圖今見在焉益州旱澇官人祈雨必於此塔祈即有應特奇感徵故名福感寺近有人盜鈴將下三級有神聲撼斗起以壓賊腔內中其人被壓唱呼寺為射斗起方得脫出至永徽元年有王顏子者漂掠有名夜上相輪取博山將下至底級兩柱忽夾之求出不不得漸漸急因見有梵僧曰可大唱

戒不爾死矣即唱數聲寺僧聞救方得拔出至貞觀年初大地震動此塔搖颺將欲摧倒于時郭下無數人來忽見四神形如塔量各以背抵塔之四面乍倚乍傾率以免壞觀瑞道俗歎未曾有塔上露盤猶來小短不稱塔

形有一人極豪侈多產業見前靈瑞乃捨金三百兩共諸信者更造露盤既成拼下至覆盆香氣蓬勃如雲騰涌流芳城邑七日乃歇隋益州晉源塔者在州西南一百餘里今號為等泉寺本名大石其基本綠略亦同前尋

諸古塔其相不同豈非當部鬼神情有所樂案蜀三塔同一石蓋餘不定准也州北百里雒縣塔者在縣城址郭下寶興寺中本名石基相亦同前隋初有天生僧曇摩掘又遠至東夏禮育王塔承蜀三塔又往禮拜至雒縣

大石寺塔所敬事已訖欲往成都宿兩女驛將旦聞左右行動聲又曰是何人耶妾相恐動空中應曰有十二神王從本國來所在之處擁護法師明日當見成都塔今欲西還與師別耳又曰既能遠送何不見形神即見形又為人善畫便一一遊之既遍形隱及至成都禮大石塔訖訖律師乃依圖刻木為十二神像粧飾在於塔下今猶見在益州郭下法成寺有沙門道卓是名僧也大業初雒縣寺無人修葺纔有下基卓乃率化四部造木浮

圖粧師備矣塔為龍護居在西南角井中時有相現側有三池莫知深淺三龍居之人莫臨視貝觀十三年三龍大闢雷霆震擊水火交飛久之乃靜塔如本佳人皆拾得龍毛長三尺計黃赤可愛

隋鄭州超化寺塔者在州西南百餘里密縣界在縣東南十五里塔在寺東南角其北連寺方十五步許其寺塔基在淖泥之上西面有五六泉南面亦有皆孔方三尺騰涌沸出流溢成川泉上皆下安栢柱鋪在泥水上以

炭沙石灰次而重填最上以大方石可如八尺牀編次鋪之四面細腰長一尺五寸深五寸生鐵固之近有人試發一石下有石灰乃至百圍便抽一團長三丈徑四尺現在自非輪王表塔神功所為何能辦此基構終古不見其儔也今於上架塔二重塔南大泉涌沸鼓怒絕無水聲豈非神化所致也有幽州僧道嚴者姓李氏形極奇偉本入隋場四道場後從俗服今年一百五歲獨住深山每年七日來此塔上盡力供養嚴怪其泉流涌注無